



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

González Téllez, Emanuel

Francofurti Ad Moenum, 1690

Caput XVIII. Idem (a) Zamoren. & (b) Salmantin. (c) Episcopo.

[urn:nbn:de:hbz:466:1-74526](https://nbn-resolving.de/urn:nbn:de:hbz:466:1-74526)

neantur, ab earum præstatione nullam prouersus volumus haberi excusatam, nisi forte per speciale privilegium Sedis Apostolicæ (quod non credimus) sit exempta, etiam in longissimo tempore procurationis obsequium non impenderit: cùm in talibus (c) prædictio sibi locum nequeat vindicare, cùm nos à provisione pastoralis soliciudinis circa omnes Ecclesias nuncquam omnino cessemus. Sanè in his exigendis eum modum & ordinem volumus observari, ut nulla Ecclesia, vel Prælatus se indebitè prægravari rationabiliter conqueratur. Si verò de communi collecta Legatorum, & nunciorum nostrorum duxeritis facientes expensas, quod vobis non duximus inhibendum, ex hoc nobis, & nostris nullum præjudicium volumus generari, quo minus possint, à quoconque maluerint, procurationes sibi debitas postulare, ita quod si exactus ultra suam gravatus fuerit facultatem, sibi ab aliis restaretur. Nuncius tamen nostris necessariis exhibendis pareat, quicunque fuerit requisitus humiliter, & devote: ita tamen, quod in fraudem nihil penitus attentetur, nec per communes ministros ad procurationis obsequium, si noluerint, recidere compellantur. Qui verò contumaciter eis duxerit resistendum, omni prouersus appellatione remotâ per ecclesiastice distinctionis sententiam compescatur. Super injuriis autem dicto Card. irrogatis volumus, & mandamus, quatenus ei satisfactionem congruam impendatis, ad quam, si forte contemperitis exhibere, ipse vos appellatione remotâ compellat. Datum Later. XII. Kal. Martii.

NOTÆ.

- I. (a) **M**ediolan. Ita etiam legitur in tertia collectione, sub hoc titul. cap. 2. & in epistolis Innocent. Colonia editis, fol. 263, ex quo Codice ita restituo litteram hujus textus. De Primicerio egi in cap. unic. de offic. Primic. & de Me-

diolanensi Ecclesia nonnulla notavi in cap. ade 27.
de script.

(b) **Apostolicæ Sedis Legati.** A latere missi, iuxta tradita in c. cum Apostolus hoc tit. ubi texum hunc exposuit: & in cap. accedentibus, de script.

(c) **Prescriptio.** Juxta tradita in cap. cum ex officiis, de prescript.

CAPUT XVIII.

Idem (a) **Zamoren.** (b) **Salmantin.** (c) **Episcopo.**

Ex parte ven. f. n. P. (d) **Compostell.** Archiepiscopi fuit propositum coram nobis, quod cum ii, qui vota B. Jacobi continuè persolverunt, ad communem terræ suæ (e) mensuram, cum qua videlicet emunt, & vendunt, ipsa persolverint hactenus, & persolvant, quidam, qui à (f) longis retrò temporibus ab eorum solutione cessarunt, nunc per vos Ap. Sed. auctoritate ad solutionem eorundem coacti, quandam mensuram (g) parvissimam, & ignotam, nec etiam communibus usibus deputatam exhibent, & ad eandem vota prædicta solvere moliuntur: unde (h) postulants à nobis, ut super hoc vos certos reddere dignaremur, utrum ii, qui mensuram ignotam exhibent ad solvendum vota prædicta, sint ad communem suæ terræ mensuram, secundum quod illi, qui eam persolverunt, continuè faciunt, cogendi. Cùm ergo non constet, ad quam mensuram antecessores eorum prædicta vota solverunt, credimus distingendum, utrum habitatores regionis ipsius, qui ea continuè persolverunt, ad unam, & eandem mensuram hujusmodi vota persolvant, an ad varias, & diversas. Si enim communiter omnes una, & eadem mensura in solutione votorum utuntur, ad eandem & illi solvere sunt cogendi: quod si solutio per mensuras distinguitur varias, & diversas, & illi volunt solvere ad minorem, non sunt utique compellendi, ut ad maiorem persolvant, quoniam cùm hujusmodi vota gratuita fuerint ab initio, benignus sunt à viris ecclesiasticis exigenda, ne tanquam exactores nimium videantur lucis temporalibus inhiare.

NOTÆ.

- I. (a) **Z**amoren. Ita etiam legitur in tertia collectione, sub hoc tit. c. 3, id est Petro Episc. Zamori, de quo & ejus Diœcesi egi in cap. dilectus s. de supplend. neglig.

(b) **Salmantin.** Salmantica antiquitatem inde haurire possumus, quod Ptolomæus verutissi-

mus Geographus ejus meruit in Veronibus ad confinia Lusitaniz. Polienus etiam in lib. de stragagem. Sub Gothis Regibus civitas Episcopalis fuit, cuius Metropolis Emerita. Post devastationem Hispaniz per Mauros factam, & post recuperationem illius Provincie ab eorum manibus Regno Legionensi cesit, & dignitati Episcopali restitura paret Compostellano Archiepiscopo.

ut notavi in cap. 5. de supplenda. Sed quod sine invidia dixerim, si Hispanis historiis fidem facimus, ex eo tempore incrementum maximum Salmantica accepit, ex quo liberalitas Alfonsi IX. ejusque filii Ferdinandi III. nepotisque Alfonsi X. egregiam, inclytam, & omnibus titulis nobilissimam Universitatem nostram construxit, ditavitque; ex quato orbi Hispano lux sapientiae fulgere incepit, tali indies incremento, ut Studium general Alex. IV. Pontifex eam creaverit: & Clemens V. inter reliqua generalia enumeraverit in Clem. unica de Magistris. In ejus laudes divagantur nondum Auctores nostri Regni, verum exteri. Exrat & celeberrimum encomium Sacrae Rotæ apud Franciscum Peñam 1. tom. decif. 157. Videndi sunt congesti à Solorzano in lib. de Plazas honorarias, P. Mendo lib. 1. de jure Academ. ex num. 127.

2. (c) Episcopis.] Petro Zamorensi & Vitali Salmantino, quorum tempore celebratum fuit Concil. Salmantinum 2. Præside Card. n. Guillelmo tituli sancti Angeli, ad dissolvendum matrimonium contractum inter D. Alfonsum IX. Theresianique: & quia Vitalis in ea Synodo adhæsit Regi, Innocentius lib. 2. epistol. 72. rescribens Archiepiscopo Compostellano ita ait: *Si vero aliquis vestrum, fratres Episcopi, in hoc deliquerit, excepto Salmantino, cuius correctionem Sedi Apostolica reservamus, tu frater Arciepiscopo animadversione ipsum canonica non differas castigare.* Hujus epistolæ, seu alterius, super eadem votorum solutione meminit idem Innocentius in duabus epistolis, quarum prior missi est Tolet. & Bracharen. Archiepiscopis. & Suffraganeis eorum Aurién. & Legionen. Episcopis. Secunda vero dirigitur Magistris, & Fratribus Spatariis, & Religiosis per Hispaniam constitutis, quas edit Cardinalis Siletus fol. 361. quarum tenorem in præsenti transcribere necessarium duxi ad compendiam ipsius voti obligationem, & antiquitatem, quam nostris temporibus quidam audenter negare non erubescunt, levibus ducti fundamentis, quos cum tanto Patrono feliciter debellavit quidam Advocatus Piacianus, seu quisvis auctor est allegationis pro Archiepiscopo & Ecclesia Metropolit. D. Jacobi contra Lazarum Gonzalez de Azevedo. In prima epistola ita scribit Innocentius: [Querelam venerabilis fratris nostri P. Archiepiscopi Compostellani acceptimus, quod eus Ecclesia ad mandatum etiam Apostolicum vota beati Jacobi à Parochianis vestris non facitis, sicut debentur, exsolvi. Quoniam igitur ad servanda iura præscriptæ Ecclesia non decet vos existere negligentes, fraternitatē vestra per A. l. p. m. atque præcipimus, quatenus memorato Archiepiscopo, & Ecclesia sua præscripta vota à parochianis vestris solvere de cetero faciatis. Alioquin venerabilibus fratribus nostris Zamoren. & Salmantin. Episcopis datum noveritis in mandatis, ut Parochianos vestros ad vota illa solvenda, sublatō appellacionis obstatu, eccl. districione compeliant. Vos itaque sententiam, quam idem Episcopi, vel eorum alter in eos propter hoc rationabiliter tulerint, usque ad dignam satisfactionem denunciari faciatis, & inviolabiliter observetis. Datum Lateran. II. Idus Julii.] In seunda vero ita rescribit: [Ad audienciam Apostolatus nostri transmissā conquestione Ecclesiaz Compostellana pervenit, quod cum pertotam

ferè Hispaniam auctoritate Principum, & Proatorum favore, etiam Clerici, & populi Ecclesia beati Jacobi, ob reverentiam ipsius Apostoli census quidam certus, qui vota dicuntur, de singulis paribus boum antiquitus fuerit constitutus, plerique vestrum de terris vestris & hominum vestrorum eundem censum præscriptæ Ecclesiaz pro sua tantum voluntate solvere contradicunt. Verum quia valde periculorum est quibuslibet aliena tenere, nedum viris religiosis, qui perfectionis amore propria dimiserunt, per Apostolica vobis scripta mandamus, quatenus censum ipsum, secundum quod antiquitus statutus est, eidem Ecclesia cum integritate solvatis. Carterum si (quod non credimus) mandatum Apostolicum in hac parte duxeritis contremendum, noveritis nos venerabilibus fratribus nostris Salmant. & Zamoren. Episcopis mandavisse, ut ad id per interdicti, & excommunicationis sententiam, sublatā appellationis difficultate, sicut visum fuerit, vos compellant. Datum Lateran. VI. Idus Julii.]

(d) P. Compostellani Archiepiscopi.] Petri videlicet.

(e) Mensuram.] Quam vulgo dicimus media fanega, ut expressum fuit in Comitiis habitis Vallisoleti anno 1537. petitione 37. ibi: *Por privilegio antiguo, que todos los jugueros, que labran con juntas de vineyes, y mulas, an de pagar à la Iglesia de san Tiago media hanega de trigo de voto.* Quia mensura lat. expressa fuit in ipso voto illis verbis: *Quatenus de unoquoque jugo borm singula mensura de meliori frange, ad modum primitiarum.* Unde cum mensura, quæ pro primitia solvitur in his Regnis, sit media fanega, etiam juxta eandem mensuram voti obligatio procedit.

(f) Alongis rerrò temporibus.] Qui non ideo erant exempti ab hac obligatione; nam contra eam nulla præscriptio etiam immemorialis currit; quod præterquam decisum est à Cœlestino III. nostri Innocentii prædecessore, in bulla expedita anno 1195. illis verbis: *Pagina presenti statutum, ut cum in lege continetur humana, quod in tribus & publicis functionibus nulla præscriptio locum obtineat, & illa vota sunt quasi tributa, quæ Deo, & beato Iacobo Apostolo in Hispania statutis annis singulis persolvenda Rex Ramirinus, illa quæ tibi & Ecclesia tua in eis præscripto obicitur, locum non habeat, aut vigorem; id etiam juris rationibus probatur, quia contra votum nulla præscriptio currit, cap. scit, de regul. Gregorius Lopez in leg. 30. tit. 7. partit. 1. quia est nutritiva peccati, australi irrationalis. Sylvester verso Vorum 2. num. 10. Navarrus in manuali, cap. 12. num. 26. latè hanc sententiam probat Pereyra de manu Regia, tom. 1. Quatenus tamen successores eorum, qui votum emiserunt, teneantur illud adimplere, exposui in capit. ex parte, de consit.*

(g) Parvissimam.] Unde prorsus inanis reddebat voti obligatio, sicut cum futilius promittitur, aut legatur; ideo enim tale legatum non valet, quia hæres glebam dando liberatur; & similiter triticum stipulando, inutilis est stipulatio, l. ubi autem 75. l. triticum, ff. de V. O. Quare in præsenti voto adjecta fuit mensura, quæ pro primitis in Hispania solvi solebat.

(h) Postulasti à nobis.] Episcopi videlicet regni Legionensis, Zamorense scilicet, & Salmantinus, qui consuluerunt Romanum Pontificem de obligatio-

obligatione hujus voti, & ejus solutione; quia cognitio causarum hujus voti ad Judicem Ecclesiasticum spectat, ut probat docte Pereyra *de manu regia, tom. I. cap. 14.* ubi resolvit, nec per viam violentie judicem secularem adire posse; immo & noster Innocentius huic Petro Compostel. Archiepiscopo specialiter concessit; ut debitores hujus voti cotam Rege Legionensi convenire possent, in epistola, qua reperitur inter editas Coloniae, fol. 360, in hac verba: [Cum sit regula juris, qua dicitur, ut acto forum rei sequatur, preces ex parte tua nobis super hoc obtinendo poiretas, libenter admittimus, quod tam Canoni, quam legali consonant aquitati; maximè cum id, quod petis in favorem beati Jacobi & Compostellana Ecclesiae debeat adimpleri. Innotuit siquidem nobis, quod quidam laici rusticci de regno Illustris Regis Legionen. super votis beato Jacobo persolvendis nolunt in praesentia ipsius Regis, qui ordinarius Judex eorum existit, quando conveniuntur, aliquatenus responderem. Unde petitione tua gratiam prestando assentum, ad exemplar felicis record. Celestini Papae prædec. n. fraternali tuae præfenti paginâ indulgemus; ut tibi licet rusticos ipsos, tanquam votorum debitores, sub examine prædicti Regis, quandoquidem tibi alias eorundem votorum soluto debita denegatur, super eisdem votis, remoto eujuslibet appellationis, vel contradictionis obstaculo convenire. Decernimus ergo, &c. Datum Lateran. III. Idus Julii.]

COMMENTARIUM.

(a) Antequam ad hujus textus expositionem accedamus, referenda est hujus voti historia, quam in dubium revocarunt Julianus del Castillo, lib. 3. hisp. Gothor. discurs. 8. Lobera en las grandes as de Leon, cap. 5. ad finem, Prudentius à Sandoval, in hisp. monast. S. Emiliani, §. 36. & voti ipsius chartam totis viribus evertere conatur Lazarus Gonzalez de Azevedo in alleg. pro op. pidis, & villis Regni Legionensis; sed infeliceiter, ut ex infra dicendis apparebit. Cum ergo Rex Ramirus I. turpissimum tributum centum puerorum Regi Maurorum Abderameno præstari renueret, per ipsum in Ribogiam Barbarorum dominio subjacentem irruptio facta est. Abderamenus bello, & armis penitus intentus, innumerabilis exercitu collato, Ribogiam ad volat, castra castris collata sunt ad oppidum Alveldam, planitis ferè ad Clavijum continuata, loco in cacumine sito rupis Turcicæ: atrox, & sava pugna utrimque fuit, victoriæ in Mauros nimium inclinante, quo minus vincerentur nostri, nox effecit, tenebras pro muro opponens Maurorum ierbis. Ramirus imminutas numero copias, fatigatas, ac debiles, ad Clavijum traduxit, ubi pro tempore angustiis munito loco, & vulneratis curâ adhibita, noctem insomnem, dubium an pervigilem, inter spem merumque transsegit. Summo manè beatus Jacobus illi apparuit, & vultu placido Regem sperare juber, ipsum victorinem fore, Barbaros vincendos, seque suis Hispanis affuturum in eo bello. Ramirus excitatus Præsules, Ducesque vocari facit, & Jacobi promissis certior redditus, instruere acies, irruere in hostes, & Christi inimicos iussit: stetit dictis gloriosus Apostolus, & in ipsa acie visibiliter apparuit equo insidens, Mauros sternens, pro nos

stris pugnans: inde Hymnus in his Apostoli festi vitatibus cani solitus;

*Tu, bella nos cum cingerent,
Es uisus ipso in prælio,
Ense quoque acerrimus,
Mauros furentes sternere.*

In eo prælio septuaginta millia Barbarorum cedisse Historici testantur, præter alios, qui fugi lapisi sunt incerto numero: vestigia hujus belli hodie etiam invisiſſe apud Clavijum Marianum testatur, effossis passim stragibus armorum per ruricolas oppidanos illius loci; nos lacrationa annotavit vestigia sancti Jacobi insigni referentia, vulgaria incolis, sed forte ideo minus obſervata, quia vulgaria. Vix ullus lapis in eo loco reperitur, qui non conchula formam præſerat, *veneras*, vernacula lingua Hispani dicimus. Et quod mireris, si in partes comminuantur, tot conchulas formabit, quot partes feceris. Rex insigni victoriæ latuſ descendit è rupe, antrum sancti Prudentii devotus visitat, DEO, & Apſtolo eius gratias agit, & in eo sancti Prudentii templo cum Prałatis, Regnique Proceribus votum emisit, quo univerlam Hispaniam sancto Jacobo fecit vestigia ē singulis jugeris agri, vineæque menſuā, ad medium primitiarum singulis annis persolvendā: sed causam, & votum ipsum ab ipso Regi audiamus: ita pluribus exemplaribus ex ipso originali transcriptis publicè legitur: [In nomine Patris, & Filii, & Spiritus sancti, Amen. Antecessorum facta (per quæ successores ad bonum potius debent committiri monumentis litterarum, ut eorum recordatione admirationem bona operationis inventur. Eapropter ego Rancmirus Rex, & à DEO mihi conjuncta Urraca Regina, cum filio nostro Rege Ordonio, & fratre meo Rege Garcia, oblationem nostram, quam gloriolissimo Apostolo Dei Jacobo fecimus, cum affensa Archiepiscoporum, Episcoporum, Abbatum, & nostrorum Principum, & omnium Hispaniæ Christianorum, committimus observationi: ne forte successores nostri, quod à nobis factum est, per ignorantiam teuent itrumperet; & etiam per recordationem nostræ operationis ad similiter operandum moveantur. Causas, quibus ad faciendum istam oblationem compulsi sumus, scribimus, ut ad notitiam successorum reseruentur in posterum. Fuerunt enim in antiquis temporibus circa destructionem Hispaniæ à Saracenis factam Rege Roderico dominante] quidam nostri antecessores pigri, negligentes, desides, & inertes Christianorum Principes, quorum utique vita nulli fidelium stat imitanda: hi (quod relatione non est dignum) ne Saracenorum infestacionibus inquietarentur, constituerunt eis nefandos redditus annuatim persolvendos, centum videbilet puellas excellentissima pulchritudinis, quinquaaginta de nobilibus, quinquaaginta vero de plebe. Proh dolor! & exemplum posteris non obſervandum, pro partione pacis temporalis & transitoriae tradebatur captiva Christianitas luxuriaz Saracenorum explenda. Ex predicatorum Principum semine nos producimus, ex quo per DEI misericordiam Regni suscepimus gubernaculum, divinæ inspirante bonitate prædicta nostra gentis opprobria cogitavimus abolere, ac de tam digna cogitatione perficienda

commu-

communicavimus consilium primo Archiepiscopis, Episcopis, Abbatibus, & religiosis viris; postmodum vero universis nostri Regni Principibus. Accepto tandem lano, & salubri consilio, dedimus apud Legionem legem populis, & possumus consuetudines per universas nostri Regni provincias obserandas. Deinde universis nostri Regni Principibus edictum commune dedimus, quatenus quosque robustos, & ad preliandum fortis viros, tam nobiles, quam ignobiles; tam equites, quam pedites ab extremis nostri Regni finibus evocarent, & usque ad constitutum diem expeditionem facerent congregare. Archiepiscopos, Episcopos, Abbes, & religiosos viros, ut interessent, rogavimus, quatenus eorum orationibus nostrorum pro DEI misericordiam augmentaretur fortitudo. Completum est itaque imperium nostrum: & reliquis ad excolendas terras tantummodo debilibus; & ad bellandum minus idoneis; congregatis sunt ceteri, non de nostro imperio, sicut solent inviti, sed DEO ducente per DEI amorem spontanei. Cum his ego Rex Ranemirus (de misericordia DEI potius, quam de genti nostra multitudine confidens) pergratias interjacentibus terris, iter mei exitus direxi in Naxaram, ac deinde declinavi in locum, qui nuncupatur *Albella*. Interim autem Saraceni nostrum adventum (famam praecone) cognoscentes, omnes cismarini in unum contra nos congregati sunt; transmarinis etiam per litteras, & nuncios in suum auxilium convocatis, invaserunt nos multitudine gravi, & in manu valida. Quid plura? quod sine lachrymis non recordaremur, peccatis exigentibus, multis ex nostris corrugibus, percussis, & vulneratis, conversi sumus in fugam: & confusi pervenimus in collem, qui Clavijum nominatur, ac ibi in una mole congregati, totam ferem in lachrymis & orationibus consumpsimus, ignorantes ex toto, quid in die effemus postea acturi. Interea somnus arripuit me Regem Ranemirum cogitantem multa, & anxium de periculo gentis Christianæ. At mihi dormienti B. Jacobus Hispaniarum protector corporali specie est se presentare dignatus. Quem cum interrogasset cum admiratione, quisnam esset: Apostolum Dei beatum Jacobum se esse confessus est: cum ad hoc verbum ultra quam dicipo test, obstupuisse, beatus Apostolus ait: Numquid ignorabas, quod Dominus noster JESUS CHRISTUS alias Provincias alii fratribus meis Apostolis distribuens, totam Hispaniam mea tutelæ per sortem deputasset, & mea commissari protectioni? & manu propria manum meam adstringens, confortare (inquit) & esto robustus. Ego enim ero tibi in auxilium, & manu superabis in manu DEI Saracenorum, à quibus obfessus es, innumerabilem multitudinem. Munitamen ex tuis, quibus jam parata est aeterna requies, sunt instanti pugna pro CHRISTI nomine martyrii coronam suscepturni, & ne super hoc detur locus dubitationi, & vos, & Saraceni videbitis me constanter in albo equo, dealbatā grandi specie vexillum album deferentem. Summo igitur manu facta peccatorum vestrorum confessione, & accepta penitentiâ, celebratis Missis, & accepta Dominici corporis & sanguinis communionie, armatâ manu ne dubitetis invadere Saracenorum acies, invocato nomine DEI, & meo, & pro certo noveritis, eos in ore gladii rui-

turos. Et his dictis evanuit à conspectu meo visus desiderabilis DEI Apostolus. Ego autem pro tanta & tali visione vehementer ē somno excitatus, Archiepiscopis, Episcopis, Abbatibus, & religiosis viris leorū vocatis, quidquid mihi fuerat revelatum, lachrymis, & singulis, & nimia contritione cordis eodem ordine propalavi. Illi ergo in oratione prius pro volunti, Deo & Apostolo pro tam admirabili consolacione gratias egerunt innumeras, ac deinde rem administrare (prout nobis fuerat revelatum) fecerimus. Armatâ itaque, & ordinatâ nostrarum acie venimus cum Saracenis in pugnam: & beatus DEI Apostolus apparuit, sicut promiserat utrisque, instigando, & in pugnam animando nostrorum acies; Sarace norum vero turbas impediendo, & diverberando. Quod quam citè nobis apparuit, cognovimus beatissimi Apostoli promissionem impletam, & de tam praeclara visione exhilarari, nomen DEI, & Apostoli in magnis vocibus, & nimio cordis affectu invocavimus dicentes: Aduja nos DEUS, & sancte Jacobe. Quæ quidem invocatio ibi tunc primò fuit facta in Hispania: & per DEI misericordiam non in vanum; eo namque die corruerunt circiter septuaginta milia Saracenorum. Tunc eriam everlī eorum munitionibus, eos insequendo, civitatem Calaforam cepimus, & Christianæ religioni subjecimus. Tantum igitur Apostoli miraculum post inopinatam victoriam confidantes, deliberavimus statuere Patrono, & Protectori nostro beatissimo Jacobo donum aliquod in perpetuum mansurum. Statutum ergo per totam Hispaniam, ac in universis partibus Hispaniarum, quasunque DEUS sub Apostoli Jacobi nomine dignaretur à Saracenis liberare, vobimus observandum: Quatenus de unoquoque jugo boum singulæ mensuræ de meliori fruge ad modum primiarium, & de vino similiter ad vitrum Canonicon in Ecclesia beati Jacobi comorantium, annuatim ministris ejusdem Ecclesiae in perpetuum persolvantur. Concessimus etiam, & in perpetuum confirmamus, quod Christiani per totam Hispaniam in singulis expeditiōibus, de eo, quod à Saracenis acquisierint, ad mensuram portionis unius militis gloriose Patrō nostro, & Hispaniarum Protectori B. Jacobo fideliter attribuantur. Hæc omnia donativa vota, & oblationes (sicut superius dimicimus) per juramentum nos omnes Christiani Hispaniæ promisimus annuatim Ecclesiae beati Jacobi, & damus pro nobis & successoribus nostris canonice in perpetuum observanda. Petimus ergo, Pater omnipotens, aeternæ DEUS, quatenus intercedentibus meritis beati Jacobi, ne memineris Domine iniquitatum nostrarum, sed solativa misericordia nobis proficit indignis. Et ea quæ ad honorem tuum beatoe Jacobo Apostolo tuo deditum, & offerimus de eis, quæ per te (ipso opitulante) acquisivimus, nobis, & successoribus nostris proficiant ad remedium amarum, & per ejus intercessionem nos recipere digneris cum electis tuis in aeterna tabernacula, qui in Trinitate vivis & regnas in secula saeculorum. Amen. Vovimus etiam, & in perpetuum statuimus tenendum, quatenus quicunque ex genere nostro, vel aliorum descenderit, semper suum praestet auxilium ad praetaxata B. Jacobi Ecclesiæ donativa. Quod si quis ex genere nostro, vel aliorum, ad hoc nostrum testamentum violan-

violandum venerit, vel ad impleendum non adjuverit, quisquis ille fuerit, Clericus vel laicus, in inferno cum Juda traditore, & Dathan, & Abiron, quos terra vivos absorbut, damnetur in perpetuum; & filii ejus fiant orphani, & uxor ejus vidua, & regnum ejus temporale accipiat alter, & a communione corporis & sanguinis Christi fiat alienus; aeterni vero regni participatione privetur perenniter. Insuper Regie Majestatis, & Ecclesie B. Jacobi per medium sex mille libras argenti peccat, & hoc scriptum semper maneat in robore. Nos etiam Archiepiscopi, Episcopi, & Abbates, qui illud idem miraculum, quod Dominus noster JESUS CHRISTUS famulo suo illustri Regi nostro Ranemiro, per Apostolum suum Jacobum dignatus est monstrare, propriis oculis DEO juvante vidi mus, praedictum ipsius Regis nostri, & nostrarum, & totius Hispaniae Christianitatis factum in perpetuum confirmamus, & canonice sancimus obserendum. Si quis ad hoc scriptum, & Ecclesie B. Jacobi donativum irrumpendum venerit, vel persolvere renuerit, quisquis ille fuerit, Rex vel Princeps, rusticus, Clericus, vel laicus, eum maledicimus, & excommunicamus, & cum Juda traditore gehennali poenâ damnamus in perpetuum cruciadhuc. Hoc idem successores nostri Archiepiscopi, & Episcopi faciant devotè annuatim. Quod si quis renuerit, omnipotens DEI, Patris, & Fili, & Spiritus sancti auctoritate, & nostra damnatur, & excommunicatio, & potestate sibi à DEO traditâ reus teneatur. Facta scriptura consolationis, donationis, oblationis hujus in civitate Calafornia nota die octavo Kalend. Junii, era DCCC. LXXII. Ego Rex Ramemirus cum conjuge mea Regina Utraca, & filio nostro Rege Ordonio, & fratre meo Rege Garzia, hoc scriptum, quod fecimus, proprio labore confirmamus.] Firmarunt privilegium hoc Romani Pontifices Paschal II. Alex. III. Innocentius III. Honor. III. Alex. IV. in suis Bullis, quas referunt Castel. in hisp. D. Jacobi, fol. 254; necnon & Principes seculares, Alfonso VII. anno 1150. ut referunt Motaes. part. hisp. lib. 3. cap. 52. D. Ferdinand. IX. era 1342. Don Alfonso. XI. & D. Petrus ejus filius, & D. Joannes II. anno 1427. Reges Catholicci anno 1478 & referunt innumeri Historici. D. Rodericus Archiep. de rebus Hisp. lib. 4. cap. 13. D. Lucas Tudensis cap. 49. hisp. gener. Hisp. 3. part. cap. 11. Frater I. Gil. de Zamora in strumento personarum lib. R. verbo Ramirius I. Episcopus Palentinus 3. part. hisp. Hisp. cap. 10. Carthagena in anaceph. cap. 54. Volaterranus lib. 2. Geograph. pag. 27. Basileus in Chron. Hisp. Anno 825. Ambrosius à Morales part. 1. lib. 9. cap. 7. & 3. part. lib. 13. cap. 52. Illecas 1. part. hisp. Pontif. lib. 4. fol. 240. Mosen. Diego de Valera in Chron. Hisp. Villegas in vita S. Jacobi, Martol. in hisp. Africa. lib. 2. cap. 22. fol. 109. Garibay in compend. hisp. lib. 9. cap. 18. Mariana lib. 7. de rebus Hisp. cap. 13. Taraffa in vita ipsius Ranemiri I. Fr. Alfonso de la Spina in fortal. fidei, lib. 4. de bello Sarracen. vers. 39. Argot de Molina lib. 1. nobilitati, c. 106. D. Franc. à Quevedo in perdocta alleg. pro parronatu D. Jacobi, pag. 587. & 589. Fr. Joannes Maneta hisp. Eccles. lib. 1. cap. 7. Villadiego in foro judic. in catal. Regum Hisp. anno 843. Manuel Correa in catalogo iporum Regum, in Ranim. I. Modera Monarch. Hisp. cap. 8. Fr. Hieronym.

Roman. 1. part. Reip. lib. 6. cap. 2. & 2. part. lib. 4. cap. 19. Marinæ Sicul. de rebus Hisp. lib. 7. p. 4. princip. Motte lib. 1. Ordinis D. Jacobi, cap. 1. & 5. Rocamora in catal. Regum Hisp. num. 844. Guardiola in nobilit. Hisp. cap. 34. Beuter. lib. 1. histor. cap. 31. Salinas in histor. belli Clavijii. Castel. Ferret. in histor. D. Jacobi. Yepes in Chron. D. Benedicti, cent. 1. anno 1181. cap. 7. quitefert aliam scripturam similiem voti facti à Comite Ferdinand. Gonzalez D. Aemiliano, ubi ait, se voto. tum illud nuncupare ad similitudinem voti concepti à Ranemiro. Illustr. Manrique annal. C. sterc. tom. 3. anno 1181. cap. 7. Alteferra lib. 4. Dis. fert. cap. 7.

Hucusque historiam, & originem hujus voti retulimus: nunc ad nostrum Innocentius accedamus. Cum ergo obligatio hujus voti realis obligaret non solum Regem ipsum, verum etiam in posterum, & ejus Regnum, quia emissum sunt votum à Rege, & regni Proceribus pro universali Regno in Comitatu generalibus, pascientibus Praelatis, & Regni Proceribus; ideo successores & habitatores in ipso Regno in perpetuum tenent ex ipsa obligatione reali votum exsolvere; quia licet gens mutetur, semper tamen regnum durat. I. proponebatur, Digest. de judic. l. sicut. 9. final. Digest. quod cujusque universi l. 5. titul. 9. lib. 1. recipil. l. 5. tit. 15. part. 2. Zypeus contra Castranum, lib. 2. cap. 12. Joannes Seldenus in mari clauso, lib. 1. cap. 21. ex multis Valentia lib. 2. illustr. tract. 4. cap. 2. Inde hanc obligationem agnoscentes Episcopi Zimorenus, & Salmanno, consuluerunt Innocent. III. an agricultibili, qui per longum tempus measuram tunc, ratione hujus voti, debitum non persolverant, cum cogarentur eam præstare, deberent solvere majorem mensuram, ut in ipsa regione, videlicet regno Legionensi ali solvabant; an vero minimam solvendo liberarentur? Et videbatur, majorem mensuram eos solvere debere, quia licet in dubitis, quod minimum est, sequatur, l. quotiens 20. l. in obit. 179. Digest. de R. J. l. Mela 13. Digest. de annuis legat. & cum de mensura primula non constat, ad minimam redigatur petitio, l. sicut 14. l. cum servus 38. §. Seja, Digest. hoc sit, tamen favore Ecclesie, & piz cauz generalis promissio latissimam recipit interpretationem, ut in leg. Tertia, §. semper, & §. Seja, Digest. de uro Gargent. ubi docerur, legatum reliquit templum esse interpretandum, videlicet, ut si quis legavit Ecclesie calicem, non credatur, legatum fusile calicem aeneum, sed præstantum esse argenteum. Faciunt alia, qua adducit Garamba in præsenz. Igitur & in præsentz casu major mensura præstantia erat. Sed adhuc Innocentius distinguunt ita, ut si alii habitatores ipsius regionis, qui votum continuo exsolverant, unam & eandem mensuram præstiterunt, eandem etiam illi, qui & in solutione cessarunt, solvere debebunt, argumento capituli super eo, hoc titul. l. si servus 10. §. si numerus, Digest. de legat. l. quia casus dubii juxta regionis consuetudinem sunt decidendi. l. 6. Digest. de evit. l. quod si nolit 31. §. qui assidua 20. Digest. de adiut. edit. l. nummio 75. §. de legat. 3. l. i. §. ultim. Digest. de ventre inflic. Illustrant pluribus relatus Olvaldus lib. 15. comment. cap. 1. litter. F. D. Joseph. Vela tom. 1. Digest. ad ex num. 27. Si vero diversas & varias mensuras antecessores eorum in eadem regione persolverant, quia videlicet mensura vulgo media faneget, es

ex tribus, aut quatuor modiis constabat pro diversitate locorum, tunc non ad majorem, sed ad minorem mensuram præstandam sunt cogendi ex benignitate, ne ecclesiastici tanquam exactores nimium videantur lucris temporalibus inhiare, alias jure stricto ad majorem mensuram præstandam cogendierant, ut docet Covar. in cap. 4. de testam. n. 5. quia cum in ipso voto exprimeretur mensura illa, videlicet quæ pro primis solvi consuevit; & illa mensura, vulgo media fanega, in aliquibus locis tribus, in aliis quatuor modiis constet, quatuor modios quilibet solvere cogendus erat.

C A P U T X I X.

Idem. (a) *Cesarangust. Episcopo.*

CUm olim ad aures nostras tuam querimoniam destinasses, quod te dil. fil. Abbas Sancti Joannis (b) Præjacen. quartis decimorum, quas in Ecclesiæ de Luna, & de Taute, debes percipere, multipliciter defraudaret. Et infra: His, & alii, quæ coram prædicti judicibus, & coram nobis fuere proposita, plenus intellectus, cum nobis plena fides facta fuerit, quod Ecclesiæ sèpedictæ in tua sint diœcesi constituta, non solum per alia, verum etiam per hoc ipsum, quod instrumentis compositionum continetur exprestè, ut Abbasti tam de (c) quarta decimorum, quam de ceteris (d) Episcopalibus rationibus debeat respondere: de consilio f. n. Abbatem Præmaten. ad integrum solutionem quartæ omnium decimorum, in illis (e) factis deductionibus, & ad præstationem procurationum, & aliorum Episcopalium jurium in prædictis Ecclesiæ condemnamus. Licet enim ex forma secundæ compositionis deductiones essent aliqua facienda; quia tamen compositionem idem Abbas nullatenus approbavit, sed studuit multipliciter impugnare, ex ea non debuit beneficium consequi, cui renuntiasse tacite videbatur. Absolum erat præterea, ut negaret suam Ecclesiam in tua diœcesi constitutam, super qua instrumenta prædecessoris tui ostendebat in jure monasterio fuisse concessa, per quæ jus Episcopale petebat expressè.

N O T Æ.

(a) *Cesarangust.*) Ita etiam legitur in tertia collectione, sub hoc tit. cap. 4. supplendum que est, D. Ramon de Castro, qui ex anno 1199. usque ad annum 1216. tenuit ipsam Cathedram, & valde sollicitus fuit de bonis, ac proventibus ipsius Ecclesiæ; unde ejus tempore Ecclesia illa mirè dictata fuit, ut resert Fr. Didacus à Muriello in hisbor. Cesarang. cap. 28. num. 9. De ipsa Metropolij nonnulla notavi in cap. 1. de his, qua vi.

(b) *Præjacen.*) Ita legitur in tertia collectione, in sexta autem legitur Prilarenſis, sed legendum est Pinnaenſis, quod percelebre monasterium S. Joannis, vulgo *San Juan de la Peña*, est intra fines veteris Comitatus Aragonici, in monte Vruelo adiudicatum. A parvissimis, è tenui scilicet anachoretica cella in celeberrimum totâ Hispaniâ monasterium, Pamplonensem, & Aragonensem Regum beneficio, & liberalitate pervenit, ut referunt plura de eo adducentes Joannes Bric. Martinez in hisbor. ipsius canonib. Yepes

cent. 3. chron. D. Benedicti, ad annum 818. Arnaldus Ochenartus in nostra Valconie, lib. 2. cap. 7. Fuit monasterium hoc magnifice dictatum à Regibus, & Episcopis Cesarangust. & exemptum ab omni lege diœcesana, ut ex epistola Johannis IV. Regis Angl. probat Hieron. Blanc. in com. rer. Arag. Immo in duobus Conciliis Aragonia statutum fuit, ut omnes Episcopi ipsius Regni deberent assūti ex ipso monasterio, propter miram sanctitudinem, quæ in eo florebat. Abbas ipsius monasterii, de quo hic agitur, erat frater Petrus de Sorbera.

(c) *Quartis decimorum.*) De quibus egi in cap. conquerente, de offic. Ordin. cap. de quarta, de prescript.

(d) *Episcopalibus rationibus.*) Id est juribus, de quibus egimus in dicto cap. conquerente.

(e) *In illis factis.*) Legendum est, nullis factis, ut legitur in sexta collectione; & recte inde deducit Barbofa voto 96. num. 25. quartam decimorum, item subsidium deberi non deductis expensis. Videndum Xamar. part. 2. rerum Indic. finit. 141.

C A P U T X X.

Idem (a) *Spoletano Episcopo.*

Olim causam, quam adversus clericos plebis Rupinæ super (b) synodatico proponebas, ven. f. n. (c) Tudertino Episcopo, & dil. f. Abbatii S. Petri montis Martan. commissum terminandam, coram quibus fuit ex patre tua propositum, quod cum iudicem clerici olim prædecessoribus tuis tres in festo Nativitatis, & tres in festo Resurrec-

D. Gonzal. in Decretal. Tom. III. Pars II.

Aa aa

tionis